

Karl, doi Drobbe!

Omm letzde Sunndaach omm Stommdisch hott de Karl gesaat: Ich habb seit e paar Daach su e Kratze im Hals, ich kann joo kaum noch laut schwätze unn gieh, noochdem ich enn Äbbelwoi gedrunke habb, aach gleich widder hoom. Awwer dessdeweese bin ich omm Freidaach bein Dokder gonge unn der hott merr dann ebbes uffgeschriwwe, su enn Saft zum Oinemme. Awwer glaabt merrs, wie ich den Beipackzeddel gelese habb wo druffgeschriwwe iss, was der Saft so oorichte kann iwverall im Kerrber, doo habb ich die Flasch erst emol newehie gestellt. Ess iss awwer nitt besser worrn mett moim Hals unn doo werr ich noochher emol oofonge, die Drobbe ze numme.

Karl, habb ich gesaat, bei su ebbes gibt's nor oons: Entwerr die Drobbe nemme unn de Zeddel fortschmeiße odder de Zeddel lese unn die Drobbe fortschmeiße.

Ja, sät de Schorsch, ich habb merr dess schunn long oogewehnt, die Zeddel in de Packung ze losse unn die Drobbe odder Pille ze nemme, die de Dokder verschriwwe hott. Doo werrde joo verrickt, wassde nitt alles kriegh konnst im Maache unn in de Lewwer, wennde doi Kratze im Hals los werrn willst.

De Karl druff: Ich habb emol su enn Zeddel mettgebrought, doo kennder mol lese wassde alls kriegh konnst wennde dess Zeich nemme dust.

De Schorsch guckt uff de Zeddel unn frächt: Warum mache die su ebbes, warum dun die donn de Leit su e Ängst mache? Ich habb emol gelese, dass mehr wie die Hälf von dene Medikamende, die verschriwwe worrn sinn, fortgeschmisse werrn, egal wohie. Dess hängt doch sicher aach doodroo, dass die Leit moone, wennse die Medikamende nemme werrn se kränker als se vorher warn.

Dess misse die Firme mache, habb ich gesaat, die wolle sich absichern unn dessdeweese dun die alles uffschreiwwe was bassiern kann, weil sunnst kennsde bei dene Newewirkunge gleich enn Prozess geesche die oostrengge. Die saache nämlich, guck, dess hättsde lese misse als de dess Zeich genumme host, unn wisse misse dass dess bassiern kann was derr jetz bassiert iss, mir hawwe alles uffgeschriwwe.

Noch schlimmer isses, moont de Schorsch, wennde ins Kronkehaus zum Operiern musst. Wasde doo alles lese unn unnerschreiwwe sollst. Awwer du giehst joo nitt aus Jux unn Dollerei zum Operiern, also was mächsde? Garnitt erst lese unn oofach unnerschreiwwe, ess werrd schunn alles gut gieh, denksde halt.

No ja, moont de Karl, ess iss joo nitt nor dess Lese, du krieghst joo aach gesaat, was su alles bassiern kann unn doo kennsde monchmol denke, losst merr moi Ruh, ich loss nix mache.

Schee iss, saach ich, dass joo aach doodebei nitt alles bassiert, was de Dokder odder de Anästhesist dir erzähle dut. Awwer grad vor soo ooner Oopee kennsde monchmol uffsteie unn fortlaafe, ich waaß von was ich redde due.

De Schorsch hott genickt. Wenn noochher alles gut gehe dut bisde froh dassdes host mache losse. Unn aach doi Oogeheerische freue sisch, wenn su e Sach gut erumgonge iss.

Uff de onner Seit, murmelt de Karl unn hust dabei, guckt emol wie ald merr sinn. Doo bassiert sell unn jenes unn doo mussde werklisch froh soi, dass heit so vill repariert werrn kann.

Ja, sät de Schorsch, unn jetz, Karl, trink doin Äbbelwoi aus unn mach disch hoom unn nimm doi Droppe, ich kann doi Gekrächz nimmi heern.

Eiern Honnes